



Claudii Fleurii Abbatis Historia Ecclesiastica

Ab anno Christi 1561. usque ad annum 1562

Fleury, Claude

August. Vind. [u.a.], 1771

VD18 90118596

§. 74. Pacis conditiones Valdensibus propositæ, eorumque responsum.

[urn:nbn:de:hbz:466:1-66624](https://nbn-resolving.de/urn:nbn:de:hbz:466:1-66624)

§. LXXIV.

Sæcul. XVI.
A C 1561.

Pacis conditiones Valdensibus propositæ, eorumque responsum.

Ceterum Sabaudiæ Princeps, cum *Thuan. l. c.*

suas copias ubique cæsas, ex adverso autem pronam rebellium voluntatem cerneret, potius habuit eos in gratiam recipere, quam suas ditiones ruinæ periculo exponere: quapropter illorum libellum benigne excipiens respondit, paratum se esse veniam illis impertiri, iis tamen conditionibus. I. Sacrificium ritu in Ecclesia Romana recepto apud se celebrari patientur. II. Pastores suos expellant, nec conciones, cœtusve more suo deinceps habent. III. Captivos suos a militibus pretio exsoluto redimere teneantur. IV. Arces Principi, quot, & ubi voluerit, in his vallibus extruere liberum sit. Valdenses, quod ad pastores quidem spectabat, lubenter assentiebantur, ut, si qui suspecti essent Principi, dimitterentur, modo alii, antequam hi abiarent, in eorum locum accerferentur, ne ipsorum Ecclesiæ pastoribus destitutæ lupis devorandæ exponerentur: sacrificii autem celebrationem minime recusabant, modo ne ipsi interesse, aut in eam rem sumptus suppeditare, neve quidquam, quo ei favere, aut assensum

præ-

Sæcul. XVI. præbere argui possent, facere cogerentur. **A.C. 1561.** De cetero captivorum militum suorum redemptionem supra vires suas esse ostendebant, cum direptis bonis, & incensis domibus nihil præter spiritum, quo ad pacem anhelent, superesset, itaque petebant, ut sine pretio liberarentur, & pariter illi, qui ob Religionis caussam ad triremes damnati essent, solverentur. Arcium item destructionem deprecabantur, fidum obsequium, quod hactenus semper præstiterant, in posterum polliciti, orabantque, ut Princeps, cum arces aliunde situ, ac natura satis munitæ essent, potius ipsos in gratiam receptos arcium, & mœnium loco haberet.

§. LXXV.

Pax, ac conscientiæ libertas Valdensibus pacta.

Thuan.

Hæc pacis compositio die quinta Iunii Anno Domini millesimo quingentesimo sexagesimo primo Cavortii firmata fuit, adjectis hisce conditionibus. I. Omnium præteriorum oblivio fanciatur, eorumque omnium, quæ eo bello gesta erant, Princeps clementia sua Convallensibus subditis suis gratiam faciat. II. Conscientiarum libertatem Valdensibus permittat, atque indulgeat, ut conciones locis designatis, & inter